

սարդ գոլով. բայց անձամբ է վայելուչ և հասակաւն կատարեալ, և իմաստութեամբն զարգարեալ և հետեւեալ: Եւ կոչի անուն նորա Հեներիքոս Թագաւոր. զոր Տէր Աստուած Թագաւորն Թագաւորաց փրկիչ ամենայն աշխարհաց՝ փրկեաց զինքն ամենայն փորձանաց հոգեկան և մարմնական. և շնորհեաց նմա բազում ամուլք Թագաւորել. և տացէ նմա սիրտ սուրբ և հոգի ուղիղ, նորոգեացէ ի նմա և բեւեռեացէ զերկիւղ իւր սուրբ ի սրտի իւրոյ, միշտ խորհել զբարին և զհաճոյն ըստ Աստուծոյ կամաց, զի խաղաղութեամբ և հանդարտութեամբ վարեացէ զկեանս իւր. զի և մեզ ընդ նմա լիցի խաղաղութիւն, և հանդարտութեամբ ի թշնամեաց պատերազմէ և յորոգայթից թշնամոյն. ամէն: Եւ և տացէ նմա Թագաւորն անմահ Քրիստոս Աստուած զիւր ամենակարող և յաղթող զգորութիւն և զքաջութիւն, յաղթող լինել ի պատերազմի. վանել զթշնամիսն իւր և խոնարհեցուցանել ի ներքոյ ոտից իւրոց. որպէս երբեմն Թագաւորն սուրբն Դաւիթ՝ զանօրէն զմարտուրն զԳողիաթ: Եւ ամենազօրն Աստուած միշտ հովանի լիցի ի վերայ նորա. և իւր հզօր ձեռամբ և բարձր բազկաւ վերակացու եղիցի նմա զամենայն աւուրս կենաց իւրոց. ամէն: Եւ զհանգուցեալն զքրիստոսասէր Թագաւորն մեր Զիկմունդ Ալուստուս՝ դասեացէ ընդ բարեպաշտ Թագաւորն, և հանգուցէ ընդ արդարն յանանց փառսն և յերկնից Թագաւորութիւն. տացէ նմա վայելել և ժառանգել, Քրիստոս անմահ Թագաւորն Թագաւորաց. զոր նմա փառք և գոհութիւն ի յամենայնէ, այժմ և յաւիտ և յաւիտեանս յաւիտենից. ամէն: Եւ էր ի Թագաւորութեան նորա ամբ 25. և յորժամ վաղճանեցաւ՝ էր ամաց 52: Հայր մեր որ յերկինս:

1574. Թվ. ՌԻԳ. Մարտի ամսոյ Ի, Աղուհացիցն: Եղաւ այսպիսի բան, զի Օլախաց երկիրն նոր ուրիշ պարոն կու բերէին միւս պարոնի վերայ. և երբ լսեց այս Օլախաց պարոնն՝ որ կոչէր Իւոն վոյվոտայ, իսկոյն պատրաստելով զզօրս իւր զնաց ընդդէմ իւր թշնամոյն. և եհաս ի Մինդանին երկիրն, և եգիտ զինքն անպատրաստ. զի նստել էին ճաշոյ ուտելոյն. և եհաս ի վերայ նոցա և կոտորեց. և փախեան ի Պրայիլն, և փակուեցան ի բերդն այս նոր պարոն: Եւ այս հին պարոն Իւոն կատղեցաւ և բարկութեամբ բորբոքեցաւ և եկն ի Պրայիլն, և զքաղաքն զամենայն հրով այրեց և թալանեց. և զքաղաքացիսն՝ զոմն ի սուր մաշեց, զոմն ի Տունան (Դանուր գետ) ընկղմեց անողորմ, մինչեւ բուն երեխայքն. և զամենայն բարութիւն երկրին և քաղքին աւար առնելով՝ դարձաւ ի տեղի իւր: Յետոյ այդ գաւառին Թուրքերն ժողովեցան և պատերազմեցան ի հետ նորա, և զնոսա կոտորեցին 2000 անձն: Յետոյ զբանն խոնտիքարին ազգեցին, եթէ Պողտանի պարոնն քեզ խային (թշնամի) դարձաւ, և ուրացաւ զքեզ և գլուխ քաշեց, և այսչափ չարիք գործեց և վնաս: Եւ խոնդիքարն իրեւ զկատաղի գազան մեծաւ ցասմամբ և սրտմտութեամբ հրամայեց սանձախնեբաց և Դալրի խանին, զի գայեցն ի վերայ Օլախի պարոնին, և զերկիրն զամենայն